



赤水玄珠

醫案

四十六

試  
516  
47





明武  
第 516  
卷 47



赤水玄珠醫案宜興治驗九卷目錄  
痛有發明  
痛一有發明

吳儀制主政尚卿先生患肺經痰火症更兼鼻衄

宜興令君宋太夫人病胸膈脹痛予診左部俱散

宜亂無緒兩尺無神預斷不治

吳宮詹少溪先生以酒積致胃脘疼又加腰眼足

跟肢節皆疼

宜興令君胡太夫人七十二脾洩十五年不愈又

宜興相錄

九卷



加吐紅咳嗽多痰痰不易出有發明

曹同府東崗先生患右脇痛予以脉知其傷風傷

食所致六

宜興令君胡鏡陽公上焦浮熱胃中食積痰飲又

因勞心動火頭面瘡癩作疼七

吳鵠源先生咳嗽口乾腹中如火滾動不思飲食

右脇痛八

吳鶴洲先生太夫人八十六原有痰火大便日三

四行夜兩起腸鳴臍腹膨脹脉三四至一止七

八至一止人皆不治予獨起之九

吳鶴洲如夫人胃脘痛百治不効目為恠痰予作

肝脾相勝之症治而愈十

曹宜崗常憂遺予語以神志不足又疝氣嘈雜食

硬喉中作梗十一

吳荆樵文學疝氣半年兩跨結核硬痛十二

吳鶴洲先生中焦有痰肺氣不足發瘡熱多寒少

口渴小水不利體倦頭痛十三

吳雪舫先生左脇下紅塊大如鷄子傍有小菩蕾



宜興自錄 九卷  
作疼予作肝膽二經有熱毒治而愈 十四

吳孝廉球泉先生心血不足胃中有痰下元陽氣

不充 十五

吳思椿胸膈脹痛痰有紫色瘀血 十六

吳雙泉公病陽亢陰微之候上盛下虛 十七

李寅齋先生患血淋小水艱澀難出竅痛不可言

二年不愈 十八

徐熙字文學內眷前後心痛耳鳴眩暈嘔逆吐酸

四肢痠軟 十九

湯簡庵封君素善飲致發腸風且心腎不交 二十

吳仰玄先生患胃脘痛徹於背痛時冷汗如雨 二十一

杭芝崗文學酒後近內行採戰之法致成血淋 二十二

吳中翰漢源先生腸風下血腹中微痛 二十三

吳大柱史安節公脾肺二經有痰火中焦有濕熱

流於膀胱為淋濁 二十四

吳宮詹少溪翁有酒積而頻傷怒致右脇之火衝

上作痛耳鳴眩暈大便艱滯 二十五

吳孝廉球泉公內人痢疾後感寒而經至發熱口



渴遍身疼等症 二十六

吳西雲先生庶母筋骨無力不能起止將成痿痺  
將近思令即脇痛氣促胸滿喉疼痰有血屑下午

潮熱 二十八

徐學士檢老正月食新蒜炒肉而又冒風寒咳嗽

喉疼声啞 有發明二十九

萬蕭庵先生令即發熱旬日口渴舌乾色如沉香

太宗伯萬履老夫人右脇痛咳嗽喉乾間吐紅腸

鳴洩瀉 三十一

白仰雲先生令眷觸怒暈厥手足冷汗如兩氣息

微閉門合目靜坐一時始甦 三十二

吳心逸先生之使患勞倦傷寒 三十三

吳文學霽陽先生以積學勞心而心肺之神不足

宜興令君胡鏡陽公夫人患陰虛陽搏之候 三十五

太史徐檢老向苦癩疔而妨生育 有發明三十六

吳宮詹少溪翁以長君秋捷受賀過勞而傷飲食

吳別駕勉齋翁體豐腴連跌而口眼歪邪左手足

不能動 三十八



少冢宰徐檢老以賀壽而腎生痔瘡有發明三十九  
 官詹吳少翁患痢赤白兼下裏急後重四十有發明  
 臧少庚年五十飲食不順利喉管中梗而難下一

目錄終

赤水玄珠醫案宜興治驗九卷

明新安生生子孫一奎文垣甫輯

門人 余煌

徐景奇

子 泰來

朋來

全閱梓

宜興治驗

學士徐檢老體豐厚善飲致有腸風計下血不止  
 數桶因而委頓已卯仲冬右脇極疼痛上至耳

宜興治驗



後夜分尤甚。左右不能轉動。轉動則痛甚。飲食  
減。面色青。閉目。汗出如雨。濕透衣被。故不敢合  
睫。而睡。族醫皆投以香附青皮及辛散之劑。痛  
愈甚。汗愈多。面愈青。逆予。脰之兩寸短弱。左關  
絃。而搏指右關沉滑。六脉皆近七至。予曰。據痛  
在少陽經分野。始必動於怒。木火之性上而不  
下。故上衝耳後而皆痛也。夜痛甚者。蓋夜屬肝。  
氣用事。內經云。司疎洩者肝也。邪在肝膽。故闔  
目。汗即大出。中焦原有濕痰。法當調肝清熱解

毒為主。無利小便不可遽止汗。而使邪無出路。  
今脉太數如遽歛汗。是逆其木火之性。不惟痛  
加。且將發腫毒而害非淺矣。內經云。膏粱之變。  
足生大疔。當預防之。公曰。何為歛劑。而謂不宜。  
予曰。當歸六黃湯內有地黃當歸黃芪皆滯痰  
閉氣之味。桔梗亦非所宜。書曰。下虛者及怒氣  
上升者皆不可用。故當慎也。因以柴胡黃連為  
君。白芍甘草天荅粉為臣。紅荅連翹為佐。龍膽  
草為使。服後汗雖仍舊。痛即減三之一。不妨睡



宣與九卷  
矣。次日仍用前藥，痛又減半。第三日又服，左右  
轉動如常。飲食亦加。予未至，公已先迎。姑蘓盛  
氏，盛公幼時密友也。家世受醫，公初不多。予日  
引頸期，盛到可刈枯劑朽也。盛至，診畢，遂詰會  
用何劑。公出，予發劑，示盛。盛大呼稱謬，謂當降  
冬之候，汗多如此，陽氣大洩，何敢以柴胡為君。  
喉中痰既未清，又不用桔梗，當歸六黃湯前  
賢已試之藥，置而不用，是舍紀律而務野戰也。  
即取六黃湯加桔梗，以進。公雅信盛，迺傾心以

從速煎服之。未逾時而舊病隨作，色色加惡。左  
右復不能轉動，自戌而至子，丑苦不能支。有內  
侍語之曰：服孫君藥，雖未全可，亦已去泰去甚。  
彼曾言二藥不可用，何為輕犯而受此苦。宜急  
取孫君藥煎飲，飲下即伏枕，軒軒達旦始寤。命  
使速予至，而扣予曰：人言隆冬汗出不當用柴  
胡，而公用為君，何旨。予曰：膽與肝為表裏，肝膽  
之火鬱而不發，故痛痛極而汗。汗出而痛減者，  
是火從汗出，蓋汗迺邪出之門也。予故曰汗不



可飲本草云柴胡瀉肝膽火而以黃連佐之內  
經云木鬱則達火鬱則發言當順其性而利導  
之執則易克古人治火之法輕則正治重則從  
其性而升之者以此蓋醫貴通變如陰虛火動  
而汗出者內無有有餘邪故以六黃湯飲而降  
之常治法也今內有有餘邪未出遽飲降之邪  
無從出執必成毒故變常而從治者使邪有出  
路水火之性不逆則毒不成而痛可減也公曰  
善哉孫君之劑奇正相生不下孫武子兵法何

輕以無紀律議之願投劑而奏凱也予曰公數  
日後瘡瘍大發兩跨且有與現作痛此毒出之  
徵公于時無忍改用柴胡白芍甘草丹參苦參  
茯苓藿麥車前子黃柏金銀花連翹服三日而  
痛全減汗全收左右不難轉動矣踰日公謂肌  
膚痒甚轟轟然但癢疹豈瘡出與欲以藥浴之  
可乎予曰可再三日兩跨果發與現如棋子大  
者數枚且痛予業已製蠟礬丸以待至是授服  
之瘡果遍身大發兩腿為甚一月餘而瘡去始



信予防毒之言。不謬披懷交驩。且作序識勝期。與終身不替云。

吳儀制主政尚卿先生。柱史安節公公子也。弱冠時病鼻塞不能噴者四年。且衄寒月更甚。口渴咽喉邊有痰核。脉之右寸關洪滑。予曰。此肺經痰火症也。與前胡秦艽葛根薄荷石膏天荅粉玄參貝母山梔子甘草白藥子桔梗丹皮四帖而衄止。夜與牛黃三清丸數粒。噲之鼻氣即通。利能嗅噲。未旬日全愈。先生初年績學。心專志

一不知寒暑。致有塞衄疾。又萬曆己卯庚辰。罷邑試。皆首選。如此者再。而皆不得籍名。學宮益鬱然不適。予時把臂語之曰。先生何以一儒冠為汲汲據脉科甲。當不在尊君下。即館中二友亦金馬客也。休愚見史先登公。次之吳。又次之。日後當以斯言為左券。毋相忌。後三公先後登第。一如予言。萬曆戊戌春。余應吳宮詹召。公暨史王老不棄。前言皆為予撰。玄珠序而紀其事。宜以見一時良遇云。



宜興宋令君山東人也。太夫人年五十餘，病臑腋  
脹痛。予時寓吳宮詹家，而繩庵安節二公皆宋  
公年友，因二公而逆予。臑太夫人脉，右寸關洪  
滑，彈指如黃豆大。左三部散亂無緒，如解索狀。  
兩尺絕，無神氣。予不得其受病之源，而宋公亦  
不以病源告。卒然問曰：脉為何症？予曰：據左脉  
為虛弱久病，右脉偪，又為飲食所傷，必病小愈。  
而又傷反覆之疾也。其執亦危。宋公聞言危，迺  
拂其意，貌偪不恭。予見其貌，即辭出。至後堂有

各佐貳及學博余公在焉。余公予鄉人也。素亦  
知醫，問曰：症候何如？予曰：不治渠謂前臑者皆  
無難色。公何云然？予曰：兩尺無神如樹無根，此  
難經所云也。左脉散亂，右脉如豆大，彈指不旬  
日當見果。後七日而卒。邑中御史先生士民相傳  
謂予能預決死生云。

官詹吳少溪先生有酒積，常患胃腕疼，近又腰眼  
足跟肢節皆痛。予謂此皆由濕熱傷筋，脾肺痰  
火所致。法宜清肅中宮，消痰去濕，俾經絡流通。



筋骨自不疼矣。切不可作風痛。而用風劑。公極然之。用二陳湯加葳靈保。蒼朮黃柏五加皮枳實葛根山梔子進之。肢節痛減。改用清氣化痰丸加瓦楞子蒼朮枳實姜黃用竹瀝神麩打糊為丸。調理而安。

宜興令君胡鏡陽公尊堂太夫人年七十二。脾洩十五年不愈。近加吐紅咳嗽痰多痰亦不易出。申酉時潮熱胸膈壅塞不能就枕。飲食大減。且惡風終日坐幔中。諸醫謂發熱吐紅法當寒涼。

脾洩多年氣虛老尊法當溫補二病矛盾難於投劑。又謂身熱脈大血家所忌益束手無能為計。皆辭去。且歸咎于長橋上拆屋致止堂不利。以是前丁宋二公接跡憂去。邑中洶洶因延予治。診得兩手脈皆浮而洪數亦皆帶滑。予曰。據脈洪數為熱滑為痰浮為風邪在表。以傷風故惡風仲景曰。當汗不汗必作衄症。法當清解可無恙也。公以諸醫于病矛盾之說為問。予曰。此暗於先後者也。夫脾洩已久未嘗為害。新病孰



熾宜當速去。所謂急則治其標也。俟邪去之後，補脾未晚。且潮熱為風邪所致之熱，而非陰虛火動之熱。血運當汗，不汗之血亦非陰虛火動之血。內經云：奪血者無汗，奪汗者無血。當汗不汗，邪鼓血動，但得表解，熱退血自止耳。公憮然曰：噫嘻！疇昔老母過錢塘，遇風濤受驚，因發熱咳嗽，血出痰多。今以公言質之，誠由風邪起病也。願以藥進，予用紫蘘子、前胡、麻黃、薄荷、鮮姜、枳殼、枳實、桔梗、桑白皮、瓜萹、紫苑、貝母、消痰，治

嗽為臣，酒芩、甘草為佐，連服二帖，五更微汗而熱退，胸膈不壅，嗽亦稍減，血止大半。始進粥，次日減麻黃，加白茯苓。夜服七製化痰丸，其夜痰嗽又減半。從是不惡風而去，慢矣。前方再減枳殼，加薏仁，調理而安。五

曹同府東崗先生右脇痛，脈之左絃大，右滑大。此由外傷風內傷食所致也。又加咳嗽，夜更痛，體肥面青，寢食俱廢。予以紫蘘、柴胡、鮮姜、白芥子、桂皮、香附治其脇痛，山查、蘿蔔子消其食，杏



仁陳皮半夏瓜萸仁治其嗽四帖飲食進嗽亦  
除脇痛減十之七再與保和丸服之而安  
宜興令君鏡陽先生上焦有浮熱胃中有食積痰  
飲平常好食熱物稍涼即腹痛洩瀉大便後間  
有紅又因勞心動火頭面生瘡癩作疼脉左數  
右滑數以玄參石斛白芍各二錢甘草一錢天  
芩粉連麴貝母各一錢茯苓八分薄荷五分四  
帖瘡癩皆愈再與保和丸加姜連滑石紅麴白  
朮丸與服半月全安

吳鵠源先生咳嗽口乾腹中如火滾動不知飽餓  
亦不思飲食右脇痛脉右滑數左絃數此中焦  
有痰積也先以總管丸去其痰而後養脾服後  
大便下稠粘黃糜甚多小便如血此熱下行也  
繼以保和丸理脾消餘痰又使新飲食不生痰  
也外昆橘紅貝母天芩粉桔梗酒芩知母葛根  
甘草滑石服之其咳嗽亦除  
吳鶴洲先生太夫人年八十六素有痰火大便一  
日三四行一夜兩起腸鳴臍腹膨脹脉三四至



一止或七八至一止諸醫不知溫補妄以平胃散加黃連山查白芍一切苦寒之劑投之尅伐太過因致腹疼顧不咎其誤但謂年高而脈歇至是為凶兆辭去不治逆予診之予曰據脈書云脈緩而止曰結數而止曰促今結脈非凶脈也由寒濕之痰凝滯所致法當溫補下元俾火得以生土所謂虛則補其母者當無恙矣鶴洲公曰壽筭何如予曰兩尺迢迢有神壽徵也即百年猶未艾以補骨脂白朮各三錢為君杜仲

二錢為臣白茯苓澤瀉陳皮甘草各一錢為佐肉豆蔻益智仁各五分為使四帖大便實惟腸鳴未止減肉豆蔻加炮姜五分而安壽果至九十有八九

吳鶴洲如夫人病胃脘痛醫有認為蟲者有認為天者又有認為痰為氣為食為虛為血為寒者諸說紛紛百治不效群然指為怪疾請予診兩手大而無力皆六至予曰豈惟耶肝脾相勝之症耳東垣治例腹痛以芍藥為君惡熱而痛加



黃柏效此法則治當萬全矣白芍四錢一半生  
一半酒炒伐肝補脾為君大甘草二錢一半炙  
一半生緩肝養脾為臣山查為佐炒黑山梔仁  
五靈脂各一錢止痛為使三帖而病愈鶴洲公  
喜曰君真能用藥神而降病恠者也嘻  
曾宜崗常多夢遺予曰此神志不足也又有疝氣  
近加嘈雜食硬物喉中梗作疼予謂病有緩急  
則治有先後咽喉之症非急先而何初為清肅  
上焦次為補養神志俾神旺而精有主可不妄

遺然後以下部之劑治其疝清肅上焦用六君  
子湯加滑石酒連枇杷葉蘆朮根香附吳茱萸  
四帖嘈雜止喉中寬舒再以猪肚丸補其神志  
遠志石菖蒲石蓮子菘菜子黃連貝母各二兩  
白朮五兩枸杞子白茯苓各一兩為末入雄猪  
肚內飯中蒸熟搗為丸梧桐子大硃砂為衣每  
晚燈心湯送下二錢治疝丸橘核昆布各四兩  
川椒山梔子炒黑山查核各二兩柴胡小茴香  
各一兩哺鷄子壳煨三兩麵糊為丸空心白湯

宜與丸卷



或酒送下三錢不終劑而瘳十一  
吳荆樵文學愷悌君子也左關尺脉甚絃疝氣半  
年兩跨結核硬痛予以平疝丸消之海藻昆布  
橘核各酒醋炒四兩玄胡索山梔子仁山查核  
小茴香柴胡各一兩龍胆草酒炒五錢醋打麵  
糊為丸梧桐子大空心酒下三錢服一月而消  
十二

吳鶴洲先生中焦有痰肺氣不足瘡一日一發熱  
多寒少口渴小便不利倦怠頭疼脉左絃大右

寸短弱關尺滑大以石膏知母黃耆同柴苓湯  
煎服後腹作瀉前方去石膏知母邪熱減大  
半惟僅潮熱而口渴甚改以人參葛根知母麥  
門冬柴胡陳皮甘草白朮鱉甲五更服之而愈  
十三

吳雪舫先生左脇下紅塊大如鷄子傍有小菩菴  
作疼左脉絃大而數右滑大而數蓋由生平嗜  
博炙以致肝胆二經有熱毒也用大瓜萸一枚  
白芍三錢當歸甘草貝母各一錢連進三帖疼



減其半。脇下紅成一小癰。以解毒早故硬塊潛消。大毒不成也。仍當為活血清熱。再用白芍三錢。當歸一錢半。金銀朮甘草各一錢。大瓜萸十枚。連翹山梔仁各八分。紅朮柴胡各五分。四帖而愈。十四

吳孝廉球泉先生。心血不足。胃中有痰。下元陽氣不克。脉六部皆弱。惟右關滑。以遠志枸杞子各四兩。巴戟兔絲子破故紙山茱萸各二兩。五味子白茯苓神人參各一兩。煉蜜為丸。空心淡鹽湯

送下。三錢外。以固陽鎖真丹助之。龍齒益智仁各一兩。黃柏二兩。辰砂甘草蓮蓉心各五錢。芡實粉打糊為丸。梧桐子大。每夜灯心湯送下。一錢五分。極能固精。十五

李思椿患胸高脹痛。痰中有紫色瘀血。其原有酒積鬱火也。脉兩寸短。關滑。兩手皆數。先與紅六神丸服之。繼與山梔酒連鬱金香附橘紅茯苓半夏麩甘草滑石紫蘘子服。後胸高稍寬。仍以山梔仁貝母益元散各二兩。牡丹皮黃連橘紅



各一兩半。白茯苓一兩。紫蘘子鬱金紅麴各五錢。苗根三兩。神麴打糊為丸。每早晚白湯送下。二錢。調理而愈。十六

吳雙泉公兩寸脈洪大。兩關滑。兩尺沉微。此陽亢陰微之候。上盛而下虛也。上盛者痰與天下虛者腎經真陰不足也。法當清上補下。上清則頭目清利。耳鳴眩暈之症可除。下實則腰膝不痠。筋骨強健。清上用清中丸。貝母橘紅枳實海石。山查茯苓白芥子黃連黃芩滑石青黛神麴為

丸。食後茶送下。二錢。補下用既濟丹辰砂磁石各一兩。熟生地四兩。黃柏知母兔絲子栢子仁各二兩。牛膝枸杞子白茯苓各一兩半。煉蜜為丸。梧桐子大。字心。淡鹽湯送下。八九十九。十七

李寅齋先生患血淋。幾二年不愈。每發十餘日。小便艱澁。難出。竅痛不可言。將發必先面熱。牙疼。後則血淋。前數日飲湯水。欲溫和。再二日欲熱。又二日非冷如水者。不可燥渴之甚。令速汲井水連飲。二三碗。猶以為未足。未發時大便燥結。



四五日一行發則瀉而不實脈左寸短弱關絃  
大右寸下半指與關皆滑大兩尺俱洪大據此  
中焦有痰肝經有瘀血也向服滋陰降火及淡  
滲利竅之劑皆無效且年六十有三病已久血  
去多何可不魚補治當去瘀生新提清降濁用  
四物湯加杜牛膝補新血滑石桃仁消其瘀血  
枳實貝母以化痰山梔仁以降火柴胡升提清  
氣二十帖而諸症漸減再以滑石黃柏知母各  
一兩琥珀小茴香桂心各一錢半玄明粉三錢

海金沙沒藥各五錢茅根汁熬膏為丸每服一  
錢空心及晚茅根湯送下而愈十八

徐熙字文學內眷常患前後心痛每痛必面赤手  
心熱耳鳴眩暈即飲白湯亦停高間不下且作  
酸嘔逆吐出皆酸水五七日方止四肢痠軟無  
力氣逆上噎迺其常也兩手脈皆沉數左絃此  
上焦有痰飲故也先以二陳湯加瓦楞子滑石  
吳茱萸姜連前胡枳壳竹茹香附大腹皮服後  
以橘紅半夏滑石各二兩為臣白螺蛸壳煨過



四兩為君。茯苓、姜、連各一兩半為佐。旋覆、各一兩。吳茱萸三錢為使。麩糊為丸。每服三錢。調理而愈。十九

湯簡菴封君血分熱甚。以善飲致腸風。且心腎不交。予以四物湯加酸棗仁、側柏葉、槐花、連翹、煉蜜為丸服之。頓愈。二十

吳仰玄先生患胃脘痛。痛則徹於背。以手重按之。少止痛。時冷汗如雨。脈瀉。此氣虛而痛也。以小建中湯加御米壳服之而愈。二十一

杭芝崗文學。酒後近內。每行三峰採戰。對景忘情。之法。致成血淋。自仲夏至歲杪。未愈。便下。或紅或紫。中有塊如筋膜狀。或如蘓木汁。色間有小黑子。三五日一發。或勞心。或勞力。或久立坐。亦發。訪醫問道。百治不效。以吳中書漢源公文善逆予治之。觀其色白而青。肌肉削甚。脰其脈左寸沉弱。關尺絃細。右寸畧滑。據此必肺經有濁痰。肝經有瘀血。總由酒後竭力。縱慾。滯火交煽。精離。故道不識。澄心調氣。攝精歸源之法。以致



凝滯經絡流於溺道故新血行至被阻塞而成  
淋濁也三五日一至者科盈滿溢故耳先與丹  
參加茅根濃煎服小便解後以瓦器盛之少頃  
即成金色黃砂廼用腎氣丸加琥珀海金沙黃  
栢以杜牛膝連葉搗汁熬膏為丸調理外以川  
芎三錢當歸七錢杜牛膝草根煎服臨發時用  
滑石甘草梢桃仁海金沙麝香為末以韭菜汁  
藕汁調服去其凝精敗血則新血始得歸源而  
病根可除矣三月全愈 二十二

吳中翰漢源先生腸風下血腹中微痛脉左寸短  
右關滑兩尺絃大以地榆槐花枳殼各三錢荆  
芥穗秦艽青蒿葛根各一錢半黃連二錢兩劑  
而愈 二十三

大柱史吳安節公脾肺二經有痰火中焦有濕熱  
流於膀胱為淋濁澀之前作痛小便了而不了  
脉左寸短弱關絃大右寸關滑兩尺洪大不部  
皆數法當先清上中二焦痰火然後提清降濁  
庶日後筋骨無疼痛之患先與葶藶分清飲加



山梔黃栢滑石服之淋濁減半改以二陳湯加  
山梔黃栢滑石鯉鱖壳木通以去濕熱而消中  
焦之痰再加柴胡升麻桔梗以提清氣四帖而  
愈二十四

真宮詹少溪翁原有酒積且頻傷於怒致右脇之  
火衝上作疼耳鳴眩暈大便艱澀脉右寸關滑  
數左絃數以當歸龍會丸加牛胆南星治之而  
愈二十五

吳孝薰球泉公內人痢疾後感寒文月水適至大

發熱口渴遍身疼胸膈飽悶煩躁頭微疼耳亦  
聾大便瀉舌上白胎脉七八至亂而無序此三  
陽合病春溫症也時師誤以為漏底傷寒不治  
予曰病已危醫而不起者有矣未有不醫而起  
者也且投三陽藥服之挑察微應再相時而動  
以柴胡三錢葛根白芍藥各二錢枳實桔梗酒  
苓竹茹各一錢天苓粉八分炙甘草桂枝各五  
分服後但覺遍身冷如冰面與四肢尤甚六脉  
俱無舉家及醫者皆嘆為物故矣予獨曰非死



候也。蓋夜半陰極陽生。執欲作汗。譬之天將雨而木合皆陰。球泉疑信相半。而諸醫聞之皆誤去。四鼓後果戰而汗出。衣被皆濕。四肢體面漸溫。神思清爽。且索粥舉家欣欣。以為再生。次日惟耳尚聾。腹中大响。脉近六至。改以紫苓湯加烏梅。兩帖而愈。二十六

吳西雲先生庶母。筋骨無力。不能起。止將成痿症。上熱下寒。易為驚恐。小腹左邊疼。以玄胡索五靈脂陳皮半夏香附青皮白芍藥茯苓山梔子

煎服。小腹痛減。惟小水頻數。改用青蒿山梔子以仁白芍藥甘草鹽麥。服後熱退。小水不頻數。獨胸膈微痛。夜不欲睡。再以當歸白芍藥山梔子香附紫胡陳皮甘草茯苓青蒿調理全愈。二十七

蔣近思令節。脇痛氣促。胸滿喉疼。痰中有血。脣下午潮熱。口渴頭重。指梢冷。服滋陰降火之劑不効。且紅愈多。痰咳不出。請予診之。右寸關滑太左尺亦大。予謂此肺經有瘀血。濁痰壅而為熱。



也。治當先清化。不當先滋補。以瓜萸仁三錢。紅  
苓紫苑丹皮枳壳各一錢。滑石二錢。甘草五分。  
前胡青蒿水煎。臨服加童便一小酒杯。兩帖。而  
熱退血止。惟咳嗽未除。胸膈不寬。再以瓜萸陳  
皮貝母蘿蔔子馬兜鈴白茯苓甘草紫苑滑石  
杏仁調理而愈。二十八

徐學士檢老以下正月食新蒜炒肉。又冒風寒。因咳  
嗽。喉疼聲啞。翁原有痰火。又為外邪所束。不得  
發越。以致此。治當潤肺清熱化痰調氣以祛其

本無散邪解表以治其標。庶乎喉痛可除。聲音  
可開亮矣。先與瓜萸仁橘紅桔梗薄荷貝母桑  
白皮地骨皮葛根桔梗前胡甘草四帖。復以滾  
痰丸同七製化痰丸兩帖。夜服。諸症除。而聲且  
亮矣。此釜底抽薪法也。二十九

萬肅庵先生令即發熱十一日。口渴舌心色若沉  
香。且甚乾燥。額上熱極。兩脇亦熱。耳微聾。曾未  
有汗。亦已下二次。熱不少。除小水絕少。神昏足  
冷。飲食不思。市醫技窮。迺告急於予。予診之左



脉中按數而有力。右脉軟弱。據症為陽明少陽并病也。當以柴葛湯清徹其熱。看汗有無。并當穢而處。柴胡五錢。葛根三錢。白芍藥石膏各二錢。人參升麻天荖粉各一錢。粉草七分。水煎服之。次早診數脉稍緩。熱稍退。舌齒仍乾。小水不利。神思尚昏沉。改用柴胡粉草天荖粉黃芩人參白朮茯苓滑石木通澤瀉。下午又覺微熱。面赤額上痛。且重。即以益元散三錢服之。太便行。次。漉而色黃。熱仍甚。面仍赤。服前藥後。小水

去二次。再診之。寸關脉將和。兩尺尚洪大。迺知邪熱在下焦。惟利之而已。再與辰砂益元散五錢。口渴稍止。齒下盤雖潤。上盤仍燥。神思昏沉。睡而不醒。睛彩不與人相當。又知熱在心包絡也。宜用陶節庵導赤散二帖。而神清。惟小水尚欠利。以四苓散加酒連麦芽木通煎服。再二帖。而諸症悉退。飲食且進矣。三十

大宗伯萬履庵老先生夫人右脇下疼咳嗽喉乾  
間亦吐紅或一碗或半碗腸鳴洩瀉年六十外



原因頭風壞目性急躁左脉絃數右滑數以瓜  
萸仁二錢黃連前胡桔梗枳壳橘紅貝母白茯苓  
各八分甘草五分服之次日紅仍不止惟脇  
疼減半改用山梔仁牡丹皮香附貝母甘草瓜  
萸熟地滑石水煎服方欲覓真鬱金苦不能得  
唐凝庵老先生廼夫人婚也偶至聞之應聲曰  
有取磨三分用煎藥飲之兩帖而紅止痛瘳三  
十一

白仰雲先生令眷每觸怒即暈厥必閉門合目靜

坐不啻一人在房手足皆冷汗出如雨氣息俱  
微越一時許甦如常原以頸生瘰癧多服女醫  
草頭藥及專科用班猫等毒因而脾胃損元氣  
虧也年三十八曾未生育每日令二婢不住手  
敲兩腿俟其熟睡廼已不然則睡不安晚至二  
更後始睡夜半心多驚跳不止指甲皆無血色  
經將行小腹先疼二日色紫有塊諸病雖如是  
而肌肉飲食却如無事人百治不效慕予而請  
診之西寸短弱左關大而有力右關滑左尺滑



右尺沉微。據脈肺氣虛。肝木實。胃中有痰之症。也。用六君子湯加丹參酒連青皮。外與珠母丸。及獨活湯。二方調理而安。二方出醫學綱目。三十二。

吳心逸先生之使。患額疼。口大渴。身大熱。汗多。胸膈痞惡。心昏沉。先與柴苓湯加枳壳桔梗。熱減大半。次日以六君子湯加黃芩白芍藥。當歸調攝而愈。蓋勞倦傷寒。以致虛極。而邪未散。故宜先散而後補也。三十三。

吳文學霽陽先生篤志士也。以積學勞心。又有星士以己卯決科詐者。其星士前許歷歷有驗。至期瘡發不能終場。遂心憂而成顛狂。日間或悲或歌。或鼓掌。或頓足。甚則罵詈不避親疎。貴賤廼叔邀予視之。面白而青。脈兩寸短弱。關絃右關滑。兩尺平。予謂兩寸脈既短弱。此心肺之神不足。志願高而不遂。其欲鬱結。不舒津液。生痰而不生血。又攻痰尅伐太過。心神愈不得養。故昏亂而無所攝持。內經云。主不明則十二官危。



按此則治宜補養收斂心神而兼之清痰可萬全也。用酸棗仁人參茯神小草丹參當歸以補心安神。黃連竹茹以清肝胆之火。玄參佐之外以龍齒珍珠鈴羊角牛黃胆星天麻青黛辰砂全蠋冰片黃連甘草膏為丸。金箔為衣。調理而愈。三十四

宜興令君胡鏡陽老先生。夫人夜間熱。口渴。經行過十日復行。小腹痛。兩寸關短弱。兩尺洪滑。予診畢語曰。此內經所謂陰虛陽搏之候也。可預

防之。以川芎當歸條芩蒲黃白芍側柏葉生地荆芥進之。下午熱甚。口中氣如火噴。血下如傾。內有紫塊。小腹仍痛。廼用川芎二錢。當歸四錢。地榆香附各一錢半。黃芩一錢。蓮蓬壳一枚。燒灰煎服。兩帖而止。三十五

太史徐檢老向為癩疝所苦。而妨生育。辛巳孟秋有江右陳嶺泉者。以是症為專科。寓蕪錫翁廷而治。謂將爛藥者。竹片夾陰囊。俾囊爛。見子。又以爛藥點開腎子。使其其中蓄積臭水潰出。然後



用生肌藥長肉收功翁以此治與道中諸友商  
乏無有勸者而謀於予予曰翁疾非常疾則治  
當非常治也陳能為翁治於外予當佐陳補於  
內內外兼治必可成功翁因予言而決用陳是  
時予有湖州之役而陳用其術治一月囊爛子  
開洞見水泡第不能使泡破水出也由是胸中  
氣滿汗出如流終夜不寐飲食減三之二面青  
肌肉瘦其半形氣弱而大便艱澁腰腎俱痛苦  
不可殫述將令人急予予適自湖州至荆溪王

吳少溪公家翁時杜門謝客聞予至大喜而促  
予診脈兩寸軟弱右尺大右關滑予診畢曰向  
許佐陳治內今其時也此陳技已竭而水不得  
出翁又難於痛業已用收口藥矣予曰無傷痛  
由元氣虛憊而汗亦因痛來汗去多則心血不  
足心血不足則神失養故不寐脾胃為痛肝傷  
故飲食減今只大補血氣不惟痛止疾除即水  
泡亦可出也陳謂用補收口生肌或可使泡出  
水或未必然予曰三日後當自見翁曰補甚善



柰生平不能服參何。予曰：翁體非昔比也。脉症皆可服。又何憂。廼用參黃各三錢，當歸白芍石斛各一錢五分，陳皮貝母紅苓粉草各八分，飲下即睡。次早汗斂，且索粥，胸膈頓寬。連服兩日，痛減大半。飲食頓加，精神亦爽。廼陳恐予奪功，私譖之曰：孫君之藥雖善，但非外科所急服之，恐生肌收口後，而水終不得出也。翁謂必如何而後可。陳曰：當於前藥加羌活防風白芷，遠志減去石斛，則外內兩得矣。翁然其說，且服。

其藥飲未半而痛立至，汗立出，頭熱如火，氣逆上升，夜竟不寐。種種病復矣。亟索予劑，予知陳之忌而行，諸也。廼宣言曰：予寔佐尔成功耳，尔何自敗。尔知翁之痛乎。元氣虛而毒藥凝滯，故補而助之，活動其血，則毒藥自行。藥行則洩可潰，水方可出。翁之謝尔，已有成議。予雅善翁來者，為義非為利也。鄙見與尋常較不平矣。陳聞言而語塞，亦以投劑無功，遂乘机而聽予治。仍用前方，加酸枣仁枸杞子皂角刺各一錢，西帖。



而滄潰出臭水五六椀。囊隨消癰。陳抃掌曰。今而後知用補之神。其老先生之福也。太史受補自此始。三十六

丁酉冬。宮詹少溪吳公。年七十二。以長君秋闈之捷。應酬賀者過勞。過飲。又傷於大肉。市醫藥用消導之劑。投之漠如也。反加內熱。常州張氏荆溪。縉紳大家。特為鎖鑰者。至則謂公高年過勞。消劑竣而致內熱。用補可愈也。因投人參。則右脇脹痛。晝夜難支。張又謂補法不差。惟少行氣。

之味。故無功耳。於前藥加水香砂仁辛熱止痛之劑。益嘔吐不止。脹痛轉處。而大便燥結。張不自咎。不認病。而誤投。迺遍語縉紳。相知曰。吳少翁。老年鬲食。非其所宜。丹溪復生。無能為也。必翁聞予在。若而急。予治予。兼程而往。至則蜡之。念十日也。診其脉。左絃右滑。兩手皆數。且搏指。諦視其色。神藏氣固。惟肌肉略瘦。手心甚熱。予曰。此內傷症。非鬲食症也。公曰。諸君言吐而大便燥結。食不得下。非鬲而何。予曰。否。公反不熱。



不痛又不吐由誤飲藥而使然耳書云通則不  
痛痛則不通大便既燥而用補非也經曰食不  
得入是有火也尤用辛熱非之非也以是而治  
譬之以油救火益令其熾爾予見與諸醫不侔  
也即與琥珀調中丸一帖其夜脇痛稍緩次早  
脈之脈仍如前予決謂非通不可即以龍會丸  
與調中丸兼服之五日內下黑糞十五六次諸  
症悉減飲食大進改以保和丸調中丸調理念  
七日公即能巾櫛元旦命危人治酒榜人臆再

拉予泛於南門持觴為予壽曰與兄別者十六  
年不憚勞涉險而赴吾急自今以後之齒皆兄  
之賜也敢不銘心為驩竟日至穀旦予迺別而  
復之茗三十七

別駕吳勉齋翁體豐腴嗜炮炙任性縱慾年六十  
七極躁急一日跌傷其齒恬不為意閱三日復  
跌亦不為意復跌之次日晚左手足忽不能動  
口眼歪邪陸懷南先生公通家友也即往診之  
語公諸郎曰此中風也治不可緩急取牛黃丸

聖藥九卷

三八



進之諸郎皆有名博士弟子延予為治診其脉  
左洪大右緩大觀其色蒼黑神昏歔呼吸長而  
吸短呼至口氣嘔嘔出不能回終日僵卧如醉  
人不能動陸曰此非半身不遂乎予曰症候甚  
惡不特半身不遂也半身不遂者中風已過之  
疾其勢仍緩亦有十餘年無恙者今絕病執便  
若此迺中風之漸方來且不可測陸重厚長者  
所詣亦精聞予言當下了然即與予商確用藥  
始以六君子湯加全蝎姜蚕天麻與之兩日神

氣仍未清猶昏睡猶呼吸口邊嘔嘔然間作  
吐粒米尚不進前藥再加竹茹又兩日神始甦  
欲言而舌難掉囁囁不能出諸口前藥又加石  
菖蒲遠志紅苓始能進粥數口日計亦可茶甌  
許夜與正舌散同前藥飲之又三日能坐粥亦  
頗加惟言尚寒澁欲言以筆代口寫我左手甚  
痛大小便艱少又用四君子加陳皮竹茹當歸  
芍藥紅苓鈎藤天麻服三日神思大好飲食且  
加以是方調理弥月手痛減稍能動足稍能伸



扶起能坐。且能自按譜鋪牌。語言十分清。至八  
九。駸駸有萬全之望。惟大便有七八日。或十餘  
日。始一行。予曰。此血少之故。補養又當自全。幸  
無它用。而速害。公常自言。吾疾迺痰在鬲間。何  
能得一吐為快。此醫家有授之言也。予曰。公脉  
大虛。非餘痰為害。况今以補養而漸安。此其明  
驗。何敢輕試。一吐。願寧耐。靜候。毋涉險為也。此  
戊戌九月念五。予以是日。別往茗城。別不及旬。  
公復傾心。而任張甲。張大言曰。公病可吐。蚤吐

蚤愈。諸郎君始信。予言持議不可。彼曰。公病痰  
也。不可不吐。吐後而補。可全瘳。而無後患。不然  
必成痼疾。公欲速效。決意吐之。諸郎君不能阻  
一吐。而煩躁。猶曰。吐不快耳。須大吐始可。再吐  
而伸昏氣促。汗出如雨。立時就殂。可嘆。可嘆。  
少家宰徐檢老。以萬曆丁酉三月初旬。往賀長興  
臧老夫人。眉壽而發。寒熱。腎近肛。硬處生一毒。  
紅腫而痛。坐卧為艱。因歸荆溪。訪治外科。即以  
銚針點開。插藥線於內。塗以爛藥。使膿血急潰。



榻

又於瘡口上以生肌藥敷之使易收口可受謝而去未半月其傍之硬處又紅腫痛寒熱交作幾於成膿以前醫有功遂復延之至則又以向者之法治之受謝而去迺醫迺患迺針而迺插藥計其患者凡八遍計其醫之更者如張如魯如馮凡八人有陳外科者則總其中而受謝獨多其時則丁酉三月至戊戌八月幾年半矣於時予赴吳少溪翁召因知翁在蘇亟往謁於卧榻間翁見予至悲喜交集備陳其歷病之由針

刀之苦伏枕歲月之深輒為痛心予聞之亦為酸鼻諦觀其色則青慘疹其脉皆濡弱把其手足則冷如冰問其飲食減平日之六究其所服之藥則槐角黃栢生地涼血解毒之類予駭然而語翁曰此痔瘡非痔漏也痔漏當用掛線以五灰膏點之可愈今腫硬無定處離肛門且遠况其初原無硬塊硬塊由插藥凝滯中來諺云刺肉做瘡者非耶假令非翁稟氣厚胃氣壯安能六十以外之年而當此剝削哉初只可大補



氣血即有毒。只宜托出一膿而愈。未成者使活  
動消散。不復生毒。此王道之治。不勝於針刀萬  
萬。諸君之治。如避影者。不知息陰而急趨。以求  
避。則影益速。而氣促救矣。自殆之道也。翁初不  
逆予者。以非外科。至聽予之論。幡然有悟。又見  
玄珠集有外科二卷。益信予之善外科。而聽予  
治。予即以十全大補湯進之。四帖而飲食加。手  
足暖。大便艱澀。百方潤而不能行者。今亦通利。  
而肛門如不知也。諸外科猶嘵嘵議補。非是予

極言排之。翁惟予為聽。予以何首烏四兩。人參  
枸杞子黃耆當歸熟地各二兩。槐角秦艽各一  
兩。蜜丸服之。不終劑。其腫處少出膿。而全瘳。傍  
亦不生硬塊。益信向之硬塊為插藥之毒。所致  
也。翁喜為謹曰。予病非孫君諸外科視我疾為  
金穴。其取寧有已耶。呵呵。三十九

宮唐吳少翁患痢。赤白兼下。裏急後重。市醫治半  
月。後重不除。飲食漸減。最苦者。下午發熱。嘔吐  
迺遣使往。若招予。予聞狀。心怖。即涉險。而過大



湖一晝夜而至荆溪翁卧榻已二十日觀其色唇紅面瘁聽其聲微弱不揚但一兩語氣即不接續下午潮熱至丑方退形神俱弱診其脉兩手俱大而無力右關略滑予曰據此迺虛虛實實之候不足中之有餘也治當補養兼清兼消緩以治之庶可無恙公深然之以四君子湯加白芍藥黃連山查滑石陳皮柴胡兩帖而潮熱除嘔吐止去柴胡因口渴不止加葛根六劑而飲食漸進血亦止惟白膿不除改用人參白朮

各二錢白茯苓白芍藥當歸神麴各一錢酒連陳皮澤瀉各七分滑石山查各一錢半外以左劑消息盈虛調養半月則神氣回而飲食大進肌肉漸生矣少冢宰檢翁問曰諸醫先謂老年痢非所宜又嘔吐飲食不進者謂之噤口且身熱脉大為痢所忌公不旬日而收功豈諸醫稱書之忌皆幻妄哉予曰諸君所言皆至言也第非因時制宜耳愚見以脾胃迺五臟六府之君廩故曰納穀者昌又曰人身之內穀氣為寶予



姑舍痢不治而先開胃口俾進飲食使新精粕  
將宿穢壓下若見糞則後重除而痢易愈也然  
又相其机宜若食入而腹脹作痛又量執畧與  
疎通通後或氣虛下墜又因執而畧與升提太  
抵以理脾胃開胃進飲食為先此亦遠交近攻之  
策日雖多功可萬全矣斯僕一得之愚屢試而  
屢驗也者設不先開胃口不審老弱不揣緩急  
一藥治痢雖有得未必無失豈勝笑哉公曰善四  
減少庚年五平每飲食胸膈不順利覺喉管中梗

梗宛轉難下大便燥結內熱肌肉漸瘦醫與五  
香連翹湯五鬲丁香散諸治鬲之劑嘗試之不  
効時予方有事於先塚久未遠出減則不遠十  
里而就予治觀其色蒼黑目中神炯炯不眊惟  
氣促骨立予知其有机心人也其脉左絃大右  
滑大予謂之曰據脉迺謀而不決氣鬱成火脾  
志不舒致成痰涎因而血少便燥內熱肌消張  
鷄峰有言鬲迺神思間病即是推之子當減思  
慮斷色欲薄滋味絕妄想俾神思清淨然後服



藥有功。不然世無大丹。而草根木石。何足恃哉。  
 子既遠來。子敢不以肝膈相照。茲酌一方。頗妥  
 歸。即製服。但毋輕示人。恐見未精者。妄為加減。  
 敗。迺事矣。慎之。慎之。臧曰。謹如教。其方用桂府  
 滑石六兩。炙甘草一兩。真北白芥子。蘿蔔子。射  
 干。連翹子。各一兩半。辰砂五錢。以竹茹四兩煎  
 湯。打饅頭糊為丸。菜豆大。每食後及夜用燈心  
 湯送下。一錢半。一日三服。終劑而病如失。



